

TITELGSCHICHT

Emotione steigere d Uflag
D Uflag z steigere, das isch min Uftrag
Bewaffnet mit Blitz und Obiektiv
Suech ich s Motiv
Brandheiss und Exklusiv ah

Klick, Klick, s Liecht blitzt, s Opfer erschrickt
Es verstrickt sich z mitzt ime Bezihigsdelikt
Ich renn id Redaktion, ich han d Gschicht für morn!

Ref. D Titelgschicht die ändret sich vo Tag zu Tag nur üsserlich
S Einzig' wo in Erinnerung bliibt sind Gschichte, wo das Lebe schriibt.

Ich lauf zur Tür us, mis Handy zmitzt im Gesicht
Voller Zueversicht, das die Gschicht au dem entspricht
Was ich mir devo verspricht
Dicht bin ich drah, leg de Film ih, ligge uf d Luur,
verfolge Szenarie, nur
Mit Dedektive Blicke dur mis Objektiv
Stunde um Stunde, warte isch normal
Wil de Leser wet ja Bilder gseh, so isch es nunemal

Bewegig im Sucher, es Klicke zeigt mir ah
Das ich s Bild gschosse ha
Womit ich die Siite 1 wird ha

Ich mach nüt falsch, ich mach nur das, das wo du wetsch, das chasch du ha
(Und jetzt, zurrück, zurrück, zurrück zur Zivilisation)
Ja, Geld macht geil, s isch e geili Welt, niemert seit, es segi e heili Welt
(Und jetzt zurrück zur Zivilisation)

Refrain (2x)

Ine steche, umeschlah, durezieh und abelah
S einzig wo ich bruuch für das sind Mikrofon und Kammera (4x)

Refrain